

安陸府志卷之十九

忠節列傳

君臣之倫義無可逃死綬死職亦繫所遭慷慨從容心焉逍遙其人雖逝久而愈高傳忠節

春種

申包胥

申包胥京山人爲楚大夫與伍員友員將奔吳辭包胥謂曰楚王殺吾父兄爲之奈何包胥曰於乎吾欲教子報楚則爲不忠教子不報則爲無親友也員曰

安陸府志

卷十九

一

我必覆楚包胥曰子能亾之我能存之楚昭王十年吳敗楚於柏舉遂入郢昭王出亾入雲夢包胥亾山中使人謂子胥曰子之報讐不以甚乎吾聞之人衆者勝天天定亦能勝人今子故平王之臣親北面而事之今至於僇死人豈其無天道之極乎乃走秦乞師曰吳爲無道行封豕長蛇以薦食上國虐始於楚寡君失守社稷越在草莽使下臣告急曰吳滅楚則西與君接境若隣於君疆場之患也逮吳之未定君其取分焉若以君靈撫之世以事君秦伯使辭焉曰

寡君聞命矣子其就館將圖而告對曰寡君越在草
野未獲所伏下臣何敢即安裂裳裹膝倚於庭牆立
哭日夜不絕水漿不入口七日七夜秦哀公素沉酒
不恤國事聞其言大驚曰楚有賢臣如是吳猶滅之
寡人無臣若斯者其亡無日矣爲賦無衣之詩曰豈
曰無衣與子同袍王于興師與子同仇包胥九頓首
而坐秦乃出師十一年包胥以秦師至楚大敗吳師
吳師乃歸昭王入郢王賞包胥包胥曰吾爲君也非
爲身也君既定矣又何求遂逃賞惠王十一年包胥

聘於越越王問曰吳可伐邪包胥曰臣鄙於策謀未
足以卜越王曰吳爲無道殘我社稷夷我宗廟以爲
平原使不得血食吾欲與之徼天之衷惟是車馬兵
甲卒伍旣具無以行之請問戰奚以而可胥辭曰不
知王固問乃對曰夫吳良國也能博取於諸侯敢問
君王之所以與之戰者王曰在孤之側者觴酒豆肉
簞食未嘗敢不分也飲食不致味聽樂不盡聲求以
報吳願以此戰包胥曰善則善矣未可以戰也王曰
越國之中疾者吾問之成者吾葬之老其老慈其幼

長其孤求以報吳願以此戰包胥曰善則善矣未可以戰也王曰越國之中吾寬民以子之忠惠以善之吾修令寬刑施民所欲去民所惡稱其善揜其惡求以報吳願以此戰包胥曰善則善矣未可以戰也王曰越國之中富者吾安之貧者吾予之求其不足裁其有餘使貧富皆利之求以報吳願以此戰包胥曰善則善矣未可以戰也王曰越國南則距楚西則薄晉北則望齊春秋奉幣玉帛子女以貢獻焉未嘗敢絕求以報吳願以此戰包胥曰善哉茂以加焉然猶未可以戰也夫戰之道知爲之始以仁次之以勇斷之不知卽無權變之謀以別衆寡之數不仁則不得與三軍同饑飽之節齊苦樂之善不勇則不能斷去就之疑決可否之議於是越王曰敬從命矣乃召伍大夫曰昔吳爲不道殘我宗廟夷吾社稷以爲平原使不得血食欲徼天之衷兵革旣具無以行之昔問於王孫包胥旣命孤矣

屈原

屈原者名平楚之同姓也爲楚懷王左徒博聞彊志

出則接遇賔客應對諸侯王甚任之上官大夫與之
同列爭寵而害其能懷王使屈原造爲憲令屈平
屬草藁未定上官見而欲奪之屈平不與因讒之曰
王使屈平爲令衆莫不知每一令出平伐其功曰非
我莫能爲也王怒而疏平平疾王聽之不聰讒諂之
蔽明邪曲之害公方正之不容故憂愁幽思而作離
騷離騷者猶離憂也屈平既絀其後秦欲伐齊齊與
楚從親惠王患之乃令張儀佯去秦厚幣委質事楚

曰秦甚憎齊齊與楚從親楚誠能絕齊秦願獻商於
之地六百里楚懷王貪而信張儀遂絕齊使使如秦
受地張儀詐之曰儀與王約六里不聞六百里楚使
怒去歸告懷王懷王怒大興師伐秦秦發兵擊之大
破楚師於丹淅斬首八萬虜楚將屈匄遂取楚之漢
中地懷王乃悉發國中兵以深入擊秦戰於藍田魏
聞之襲楚至鄧楚兵敗自秦歸而齊竟怒不救楚楚
大困明年秦割漢中地與楚以和楚王曰不願得地
願得張儀而其心焉張儀聞乃曰以一儀而當漢中

忠臣請往如楚如楚又因厚幣用事者臣靳尚而設
以辯於懷王之寵姬鄭袖懷王竟聽鄭袖復釋去張
儀九月屈平既疏不復在位使於齊顧反諫懷王曰
何不殺張儀懷王悔追張儀不及其後諸侯其擊楚
大破之殺其將唐昧時昭王與楚婚欲與懷王會懷
王欲行屈平曰秦虎狼之國不可信不如無行懷王
稚子子蘭勸王行奈何絕秦歡懷王卒行入武關秦
伏兵絕其後因留懷王以求割地懷王怒不聽以走
趙趙不內復之秦秦死於秦而歸葬長子頃襄王立

以其弟子蘭爲令尹楚人既咎子蘭以勸懷王入秦
而不反也屈平既死之雖放流瞻顧楚國冀幸君之
一悟也其存君興國而欲反覆之一篇之中三致意
焉令尹子蘭聞之大怒卒使上官大夫短屈原於頃
襄王頃襄王怒而遷之屈原至於江濱披髮行吟澤
畔顏色憔悴形容枯槁與漁父問答其後乃作懷沙
人賦以自傷音投汨羅而死屈原既死之後楚有宋
玉唐勒等差之徒者皆好辭而以賦見稱然皆祖屈

宋

陳嘉言

陳嘉言景陵人仕宋爲復州學諭開禧二年金兵犯景陵城陷被執同室六人自沉於水而死

祝松

祝松景陵人舉宋進士初調長水簿端平初以城陷誓死守郢遺民立祠祀之

明

姚善

即李善

安陸府志

卷十九

六

姚善字克一鍾祥人初姓李復姓姚家居魚寨爲人志行淳實學識高遠爲諸生時扁讀書所曰待旦軒會稽唐之淳爲之銘善工詩與唐相唱和洪武中由鄉舉歷祁門丞同知廬州重慶所至有能聲歲戊寅擢知蘓州府明太祖稔吾民習爲僭靡命善明法以齊之囂者或更藉持短長賊謫蜂起號難理善洞達政體周悉人情張弛寬密各協事宜數造請郡賢考求治道商略民生休戚倍尙淳漓以施因革由是吏民顧尙禮義轉稱大治爲列郡最隱士王賓獨居陋

巷善往候見舍車徒步詣門賓問爲誰應曰姚善乃
開門延語及賓報謁而府門再拜而返善自邀還辭
曰非公不敢入也又將候韓奕奕避入太湖善嘆曰
韓先生所謂名可聞身不可得見也將往候錢芹乃
使人先道意芹對使者曰芹誠幸見公然芹民也禮
不可往見於庭苟明公弘下士之風請候月朔胥會
於學宮善如期至迎芹置上坐請質經義芹曰公今
有官守請姑舍是事有急於此者善問何事芹出一
簡以授善竟不交一言而去視之則守禦制勝之策

也善心嘉之後薦爲行軍司馬越己卯靖難師起善
畫策勤王與有勞焉壬午京師平時黃子澄走匿善
所索之急約善航海善曰在公則可在善則不可在
善守土之臣當與同亡子澄去未幾善竟伏節長子
節成賀縣千戶所幼子繼兒蘓州隨母給配保兒項
兒送工部習匠善以六月二十二日送問七月受戮
時年四十三

周憲

周憲字時敏安陸人弘治癸丑進士授刑部主事轉

員外郎上疏言事左遷兗州府通判後復職進郎中
出補雲南大理知府擢江西按察司副使正德間華
林寨寇胡雪二等大肆猖獗憲與其子幹會僉事吳
廷舉知府李承勛三面夾攻賊少却憲促兵迫之賊
衆矢石交下我師敗績憲被執晉中刀血流被面左
髀中鎗不能動猶大詈不絕口賊怒肢解之幹前救
力戰墮崖歿事聞上命官祭葬贈按察使謚節愍官
其子金爲錦衣千戶

劉聚

安陸府志

卷十九

八

劉聚字平甫鍾祥人正德辛未進士授行人諫阻南
征杖之於廷卒嘉靖元年贈監察御史上遣官諭祭
有云爾甲第登名大行列職先皇整旅南征伏闕上
章志存止輦抵奸構禍咎責而亡追念忠誠曷勝悼
惜特加褒贈延賞後人廕其子燮爲太學生

商大節

商大節鍾祥人嘉靖癸未進士歷官都察院右僉都
御史平生慷慨負奇氣故自爲教令司諫司刑嚴歷
藩臬巡撫畿甸風裁卓然後疏劾仇鸞不法事竟坐

誣獄身死詔賜葬祭謚端愍贈兵部尚書

錢鐸

錢鐸字鳴叔顯陵衛人其先籍浙之安吉人嘉靖庚戌進士知江陰縣時倭亂浙東公度賊必西向亟請繕城明年城成賊果趨江陰公禦之矢盡繼以瓦石公被創猶鬪賊遂遁去公意賊復來預營華墅而陣賊果復寇江陰焚掠四野煙焰蔽天公從城上望嚙指誓曰剪屠烈矣奈何與此賊俱生邪乃騎而奔城決死戰時狼兵與所募士僅千人望風潰走公自安陸府志

卷十九

九

胡恒

胡恒字公占景陵人領萬曆乙卯鄉薦授會稽教諭入爲助教擢戶部郎中陞川南道甲申賊陷成都公時兼攝建昌諸道卽聞成都失守提兵鎮雅州冬起偏將羅大爵救成都大爵敗死雅州吏王岡取賊反兵劫公公不爲動因泣曰余家世爲國

惜一死以報朝廷於是調諸路兵疾馳來援賊聞之發大隊迎擊我兵敗績公被執國臣繫公如成都賊脅之不屈臨死罵不絕口子之華聞變託孤於義士汪光翰乃率家屬投端公河死有幼僕京兒者見公執不忍舍同就戮所著有古懽堂詩集兄懷字公遠由鄉薦歷官戶部郎值賊陷都城爲遊騎所獲縛獻李自成拷掠不屈而死

曾發祥

曾發祥字戡毅鍾祥人太保璠之從孫也以明經除

安陸府志

卷十九

黃陂訓導遷廣濟教諭課士較文精於藻鑒居平倦倦以忠義勸勵多士崇禎乙亥流賊圍城公協力堅守城陷不屈而死賊焚其尸於明倫堂

孫瑞

孫瑞字公之鍾祥人由明經授蘄水訓導至癸未流賊破城公袍服坐明倫堂詈賊而死

國朝

涂起鵬

涂起鵬字

潛江人順治丁亥歲薦授廣西平樂

令值賊犯平樂公衝鋒力戰孤城援絕不克濟竟被
執不屈處之廣撫疏請褒卹 贈廣西按察司僉事
廕一子入監讀書與祭一壇遣官營葬如典

劉承謨

劉承謨字君顯沔陽人順治丙戌恩貢廣東臨高令
海兵臨城承謨懷卹誓以死守城破不屈處焉順治
十三年五月奉 旨贈廣東按察司僉事廕一子劉
馨入監遣官諭祭予葬諡曰烈士成仁齋志而沒忠
臣報國捐軀以從爾劉承謨矢志忠貞服官敬慎臨
安陸府志 卷十九 十一

難致身良足嘉也特頒祭葬用慰幽魂爾如有知尙
其歆此
論曰痛哭於秦庭抱石於汨羅伏鎮於帝園其孤忠
勁魄若揭日月而行巍乎不可躋攀矣至後則陳祝
周劉諸君子與城存亡卒殉其志至今生氣若或見
之較彼庸庸碌碌蓄縮瓦全而嘵嘵定轉於牀褥間
有視此何如其人歟乎曰歟也

安陸府志卷之二十

文學列傳

名成一家書破萬卷理窟文心起衰救變垂名史冊有功經傳風會淳駁實關治亂傳文學

春穠

宋玉

宋玉屈平之弟子也平既罹譖投沙玉與其爰唐勒景差哀而賦之作九辯以述其志招魂以號其復初楚威王問曰先生其有遺行邪何多訾也玉曰唯然

安陸府志

卷二十

有之客有歌於郢中者其始曰下里巴人國中屬而和者數千人其爲陽陵采薇國中和者數百人其爲陽春白雪國中和者不過數十人其曲彌高其和彌寡故鳳鳥絕浮雲負蒼天翱翔乎窈冥之上夫糞壤之鷄豈能與之較天地之高鯨魚發崑崙之壑暴鱗於碣石莫宿於孟諸夫尺澤之鯢豈能與之量江海之大非獨鳥爲然聖人瑰意竒行超然獨處世俗之民安能知臣之所爲哉及事項襄王王無以異也玉諫其友其友曰夫薑桂因地而生不因地而辛勢使

然也玉曰君不見夫韓盧之與東郭貌乎遙見而指
投雖盧不及貌躡跡而縱縱雖貌亦不及盧也他日
其友又曰先生何計畫之疑也玉曰君不見夫玄猿
乎當其居桂林峻葉之上從容遊戲超騰往來悲嘯
長吟龍興鳥集及其在枳棘之中恐懼而悼慄危視
而踣行處勢不便也夫處勢不便豈可量功校能哉
一日同唐勒景差從襄王於雲夢之臺王曰能爲寡
人大言者上座唐勒曰壯士憤兮絕天維北斗戾兮
泰山夷景差曰校士猛毅臯陶嘻大笑至今摧累惡
安陸府志 卷二十 二

唐

李邕

李邕字泰和江夏郡人少諳李嶠願讀中秘書嶠薦
之假直秘閣未幾辭去嶠爲試問與篇隱軼辭對如

響拜左拾遺玄宗初爲御史中丞左遷北海太守文
名籍甚盧藏用戒之曰君如干將莫邪莫與爭鋒然
終虞缺折耳邕不能用與江革司馬王琚皆自謂耆
舊在位殊怏怏李林甫惡其負才使氣欲因事除之
因遣羅希奭按邕與裴敦復皆杖殺之

宋

孫何

何字公漢其先汝陽人以父鏞爲荆門軍遂居荆
門生十歲識音韻十五能屬文篤學嗜古爲文必本

安陸府志

卷三

三

經義在貢籍中甚有聲與丁謂齊名號爲孫丁王
禹偁尤推重之嘗作兩晉名臣贊宋春種二十篇聞
於時淳化三年舉進士第一解褐將作監丞通判陳
州召入直史館賜緋遷秘書丞京西轉運副使歷右
正言改右司諫真宗初何獻五議其一請擇儒臣有
方略者統兵其二請世祿之家肄業太學寒雋之士
州郡推薦而禁投贄自媒者其三請復制舉其四請
行鄉飲酒禮其五請以能授官勿用恩遷例上覽而
善之咸平二年舉入閣故事何次當待制獻䟽擇守

宰省冗員遴選庶官未幾徙轉兩浙轉運使加起居
舍人景德初代還判太常禮院俄與晁迥陳堯咨並
知制誥賜金紫掌三班院無何以被疾勉強親職一
日奏事上前墜奏牘於地俯而取之復墜笏有司劾
之何請西京養疾上不許第賜告遣醫勉其然艾何
咎曰處生有命卒不聽是冬卒年四十四上在澶淵
聞之憫惜錄其子言爲大理評事何樂名教勤接士
類後進之有詞藝者必爲稱揚然性干急不能容物
在浙右專務峻刻州郡病焉好學著史通十餘篇有
安陸府志

卷二十

四

集四十卷弟僅

僅字鄰幾少勤學與何俱有名於時咸平元年進士
甲科兄弟連冠貢籍時人榮之解褐舒州團練推官
會詔舉賢良方正之士趙安仁以僅名聞策入第四
等擢光祿寺丞直集賢院俄知浚儀縣景德初拜太
子中允開封府推官賜緋北邊請盟遣使交聘僅首
爲國母生辰使改本府判官遷右正言制誥賜金紫
同知審官院是冬永興孫全照求代真宗思擇循良
任之御書邊肅洎僅二名示宰相或言僅嘗倖京府

諸民政乃命知永興軍府僅純厚長者爲政頗寬嘗
詔戒焉至祥符元年加比部員外郎還之審刑院
頃之拜右諫議大夫出知河中府歸朝後領審刑院
从次進給事中天禧元年卒年四十九錄其子大理
評事和爲衛尉寺丞僅性端慤中立無競篤於儒學
士大夫推其履尚有集五十卷僅弟侑亦登進士第
至殿中丞

畢漸

畢漸潛江人紹聖元年進士第一爲膳部員外郎出

安陸府志

卷二十

五

知荆南府事以文學致身剛介自立時人以其典郡
榮之

張君房

張君房安陸人宋真宗時爲著作郎日本遣使入貢
詔本國建寺詞臣撰記君房代爲之爰使待命而君
房醉飲市樓索之不得直院大窘後楊億改閑忙令
曰世上何人號最忙紫微失却張君房

鄭獬

鄭獬字毅夫安陸人少負俊材詞章豪整初試國

象天賦登進士第一英宗卽位治永昭山陵悉用乾興制度儼言今國用空乏而山陵乃欲效最盛之時稍傷儉德願飭有司損其名數又上疏欲試任子武臣以寓勸懲至於貪酷吏抑之終身勿仕等事召對內東門命草三制賜雙燭送歸舍入院外庭無知者拜翰林學士時散青苗錢儼言但見其害不忍民無罪而陷憲網引疾卒家貧子弱其柩藁殯僧屋十餘年滕甫守安州乃克葬於郢州之楊家河

朱震

安陸府志

卷二十

六

朱震字子發荆門軍人登宋政和進士第仕州縣以廉稱胡安國一見大器之薦於高宗召爲司勳員外郎震稱疾不至會江西制置使趙鼎入爲叅知政事上詔以當世人才鼎曰臣所知朱震學術深博堅正守道士之冠冕使任講讀必有益於陛下上乃召之既至上問以易春秋之旨震具以所學對上說擢爲祠部員外遷秘書少監兼侍經筵轉起居郎建國公出閣以震爲贊讀仍賜五品服遷中書舍人兼翊善轉給事中兼直學士院遷翰林學士旋知禮部貢舉